



Allagaateqarfeqarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx.xxx 2019-imeersoq.

(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

Sorpassuit eriagisassatut erligalugit aserfallattaalillugit, takusassiaralugit toqqortorlugillu pisarpagut, kinguaassatsinnut paasissutissatut pingaarutillugit. Ullutsinni inooriaasitsinni pingaartitagut suulluunniit kinguaassatta paasiniaaffigisinnaasariaqagaat ittujaarsorniartarpagut, taakkununga oqaluttuassartaqarmata. Taamaappaortaaq aamma allagaatit pillugit eriagisat, allaat qarasaasiakut allagaatit.

Qarasaasiatigut allagaalit pigutsigit eqqaanngitsoorsinnaangilara digitaliseriinnissaq. Allagaatit imaluunniit oqaluttuat immiussat, aalasuliat tassaapput aamma eriagilluinnagassagut, toqqorlugillu. Eqqaaginnarsinnaavarput KNR-ip immiussatai oqaluttuiarpasuit. Taakku qaqugumut ilisimatusarnikkut allatullu ingerlatitseqqinertut atorneqarnissai qulakkeertariaqaratsigit digitaliseererlugit toqqugassaapput. Taakkuninnga toqqorsinissaq immiuseqqinnisarlu aningaasaliiffiginerusariaqarparput.

Allagaatit toqqornissaanni aamma eqqaasariaqarparput naammattumik toqqorsivissaqartariaqaratta. Tooqorsiviit annertunerusut pisariaqartippagut, - taakkulu pitsaasumik toqqorsinnaanissaat pisariaqartipparput. Katersugaasiviit ilaat uumasuaranissimasut tusarparput, aammalu alianaqisumik katersugaasiviit ilaat aserorteriffigineqarsimavoq. Taamaattoqartillugu inuiattut annaasagut angivallaqaat. Tamaammat toqqorsiviit allanngutsaaliisut aserorteriffiisunnaanngitsullu aningaasaliiffiginerusariaqarpagut.

Tamakku oqaatigereerlugit allagaateqarfeqarneq pillugu Inatsisartut inatsisaata allanngortinneqarnissaanik Inatsisartut inatsisissaattut siunnersuut Inuit Ataqatigiit ima oqaaseqarfigiumavarput.

Paasivarput Nunatta Katersugaasiviata Allagaateqarfiatalu kissaatigisimagaat, Siulittaasup naalakkersuisoqarfiani inatsisinik katersat, toqqortaasivinniit assigiinngitsuniit toqqortaatinik imaqartut, toqqorneqarsinnaanerannut periarfissamik pilersitsisoqarnissaa, taamaaliorniarnarlu Inuit Ataqatigiiniit akuersaarparput.

Pingaartipparput suulluunniit allagaatit pitsaasumik paasiniaaffikkuminartumillu toqqortaatineqarnissaat. Allagaatinik toqqortaateqarneq inuiaqatigiit aamma oqaluttuarisanerannut uppersaataammat, aammattaarlu kinguaassatta pisunik paasiniaarusulernissaannut aqutissiuussisammat pingaartutut isigaarput.

KANUKOKA-p atorunnaarsinneqarneratigut nalunaarsuiffeqarnermut allagaateqarfeqarnermullu pilersaarutinik suliarinnittarneq pillugit maleruagassat aalangersarneqarnissaat taarsiullugu kommuninut isumaqatiginniareernikkut piskasooq akueraarput.

Inuit Ataqtigiinnittaaq paasilluinnarparput inuit ataasiakkaat pillugit paasissutisat mianerilluinnagassat pillugit aamma iluarsiniartoqassappat.

Taamak naatsumik oqaaseqarluta allagaateqarneq pillugu inatsisissaq akueraarput, pisariaqarpalli ataatsimiitsitaliamut susasaqartumut ingerlateqqillugu.